

7. Nga Ripoata o nga mahi o nga Pariha.

8. Whakahaere Mihana ma Rev. P. A. Peneti.

Wiremu Kingi:—E whakaari ake ana ahau ko te take o nga moni e takoto nama ana i nga pariha ha take tuatahi.

Whakaaetia ana.

Tiakiawa:—He patai mehemeca pehea te wawahanga o te moni £12 ki nga Kainga o te Whakarewarewa, o Owihata te Ngae me Mourea.

Tiamana:—Kai nga tangata tonu o ana Kainga te Tikanga.

NGA NAMA O NGA PARIHA.

He roa te whakamararama a Wiremu Kingi mo tenei take kei runga i te takoto awangawanga o te nu'nga ki te tikanga o nga nama nei i waiho ai hai maharaurau ma etahi tangata waiho tonu iho hei huarahi e tino wehe atu ai i te Hahi ki era atu Hahi, waiho ana hai mate mo etahi waahi o te Hahi, ka tokoiti hai hapai i nga mahi a te Hahi, no reira me tenei ano ki te Hinota kia whakamararamatia ano nga nama nei haunga to Ohinemutu kai te marumua tena—mehemeca ka kitea tera e taea me whakakore atu etahi o enei nama.

Tiamana:—Kai te kitea tena ahua mate o etahi o nga Pariha penei me Whakatane, me Ruatoki me te Puke me Mourea hoki. Na runga i taua ahua ka utu haere tonu te Komiti Tumuaki i Nepia i nga orunga o nga minita na wai ra ka eke ki te £2000 pauna te moni ki te Peeke e tangohia ana mai hai whakarite i tera taha.

Mo te tono kia whakakoreia etahi o enei nama e te Hinota, kia au me whakaputa tatau i to tatau na kaha i te tuatahi ki te whakaea kia kitea mai ai ano kei te whakaputa tatau i to tatau kaha ki reira ka whakaaro ai te ahau mo enei nama.

He tokomaha i korero mo tenei take.

I. Nga nama o nga Pariha.

Na Wiremu Kingi i motini na te Waaka i tautoko—kia atu kawea ano nga nama nei ki te Hinota i Nepia atu uui ai, kia whakamararamatia mai hoki.

A me whakaputa ano tenei Atirikona tanga i te kaha ki te whakaea i enei nama ahakoa ekitea ana he tino Kawenga tau-maha rawa tenei ma te Hahi Maori o tenei takiwa.

Whakaaetia ana.

II. Nga Huarahi Whakaea i nga nama.

Te Tiamana ka whakamararama i te whakahaere a whare pukapuka (Duplex Envelopes) tino roa tana whakamararama mo te whakahaere.

He tokomaha i tautoko i tenei whakahaere hai mahi ki nga Pariha.

Whakabaere Wharepukapuka kia tangohia e nga Pariha o te Atirikonatanga o Tauranga.

(a) Na Heeni te Uara i motini na Te Waaka i tautoko:—E whakaae ana tenei huinga o te Komiti Tumuaki o te Atirikona-tanga o Tauranga kia whakapangia tenei whakahaere kahi moni a whare pukapuka ki nga Pariha o tenei Atirikonatanga.

Whakaaetia ana